

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/49, 28.06.2019թ.

Բողոք բերող անձ՝ «Է.Ռ.Ա. Օիլ» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ ՆՏԱԴ-ԳՀԱՊՁԲ-4/4» ծածկագրով գնանշման հարցում

Գնման առարկան՝ Փայտե արկղերի ձեռքբերում

Բողոքի պահանջը՝ Չեղյալ հայտարարել ՀՀ պաշտպանության նախարարության կարիքների համար փայտե արկղերի ձեռքբերման նպատակով հայտարարված «ՀՀ ՊՆ ՆՏԱԴ-ԳՀԱՊՁԲ-4/4» ծածկագրով գնանշման հարցման ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ

ք. Երևան, Մեյիք-Աղամյան 1

Մ.Բ.Ա. ՕԻԼ, ՍՊԸ

093068496

ք.Երևան, Անդրանիկի 10/1, քն 17

oil@mail.ccc

Պատվիրատու՝ ՀՀ պաշտպանության նախարարություն

ք. Երևան, Բազրևանդի 5

Գնման ընթացակարգի ծածկագիրը և առարկան՝

<<ՀՀ ՊՆ ՆՏԱԴ- ԳՀԱՊՁԲ-4/4>> ծածկագրով գնանշման

հարցման ընթացակարգ, փայտե արկղերի ձեռքբերում

ԲՈՂՈՔ

ՀՀ պաշտպանության նախարարության կարիքների համար փայտե արկղերի ձեռքբերման նպատակով հայտարարվել է «ՀՀ ՊՆ ՆՏԱԴ- ԳՀԱՊՁԲ-4/4» ծածկագրով գնանշման հարցման ընթացակարգ, որին մասնակցելու նպատակով հայտ է ներկայացրել «Վիեյջ գրուպ» ՍՊԸ-ն (համատեղ գործունեության պայմանագրով «Արխանգելսկիյ լես» ՍՊԸ-ի հետ):

Ընթացակարգի գնահատող հանձնաժողովի 11.04.2019թ. ժամը 10:00-ի նիստի թիվ 4 արձանագրության 4-րդ կետի 4.1 ենթակետի համաձայն՝ Ընթացակարգի 1-ին չափաբաժնի մասով «Վիեյջ գրուպ» ՍՊԸ-ն (համատեղ գործունեության պայմանագրով «Արխանգելսկիյ լես» ՍՊԸ-ի հետ) ճանաչվել է առաջին տեղ զբաղեցրած մասնակից, որին առաջարկվել է ներկայացնելու որակավորման չափանիշներին իրենց համապատասխանությունը հավաստող փաստաթղթերը և առաջարկված ապրանքի ամբողջական նկարագիրը:

Ընթացակարգի գնահատող հանձնաժողովի 30.04.2019թ. ժամը 15:00-ի նիստի թիվ 5 արձանագրությամբ արձանագրվել է, որ «Վիեյջ գրուպ» ՍՊԸ-ի (համատեղ գործունեության

ՍԵՆՏՆԱԿԱԾՄ

ՍԾՈՒ Ն 15-29285-19

28.06.19

պայմանագրով «Արխանգելսկի լես» ՍՊԸ-ի հետ) կողմից ներկայացված որակավորման չափանիշներին իր համապատասխանությունը հավաստող փաստաթղթերում առկա է անհամապատասխանություն, մասնավորապես՝

- 1-ին տեղ զբաղեցրած մասնակիցը պարտավոր է հրավերով սահմանված կարգով և ժամկետում a.baghramyan@mil.am էլեկտրոնային փոստին ներկայացնել (ուղարկել) հրավերի 2-րդ մասի՝ ընթացակարգի հայտը պատրաստելու հրահանգի 3-րդ կետով նախատեսված փաստաթղթերը՝ 6-րդ հավելվածով նախատեսված գրությունը, որին կցվում են՝

1) իր կողմից հաստատված՝ առաջարկվող ապրանքի ամբողջական նկարագիրը՝ համաձայն հավելված 6.1 -ի.

2) հայտը ներկայացնելու տարվա և դրան նախորդող երեք տարվա ընթացքում, պատշաճ ձևով իրականացրած համանման (նմանատիպ) առնվազն մեկ պայմանագրի և դրա հաշիվ ապրանքագրերի պատճենները, ինչպես նաև այդ պայմանագրի (պայմանագրերի) սահմանված ժամկետում կատարումը հավաստող ակտի (հանձման- ընդունման արձանագրություն և այլն) պատճենները կամ տփալ պայմանագրի կատարումն ընդունած կողմի գրավոր հավաստման բնօրինակից արտատպված (Ականավորված) տարբերակը:

Սակայն վերջինիս կողմից ներկայացվել է միայն Հավելված 6-ը և Հավելված 6.1-ը: Գնահատող անձնաժողովը հիմք ընդունելով Կարգի 47-րդ կետը՝ մեկ աշխատանքային օրով կասեցրել է նիստը և առաջարկել է Կոնսորցիումին մինչև կասեցման ժամկետի ավարտը շտկել վերը նշված անհամապատասխանությունը և շտկված տարբերակը ուղարկել a.baghramyan@mil.am էլեկտրոնային հասցեին:

Նույն արձանագրությամբ Գնահատող հանձնաժողովը 07.05.2019թ. շարունակելով աշխատանքները արձանագրել է, որ սահմանված ժամկետում «Վիէյզ գրուպ» ՍՊԸ-ն (համատեղ գործունեության պայմանագրով «Արխանգելսկի լես» ՍՊԸ-ի հետ) ներկայացրեց որակավորման պահանջներին համապատասխանությունը հիմնավորող փաստաթղթերի շտկված տարբերակները, որոնց հետազոտման արդյունքում պարզ դարձավ, որ մասնակիցը որպես նմանատիպ պայմանագիր ներկայացրել է տախտակի և գերանի (ծրս) մատակարարման պայմանագրեր, **ինչի հետ կապված սույն ընթացակարգի շրջանակներում նախքան հայտերի բացումը այլ մասնակցի կողմից ներկայացվել էր**

պարզաբանում կապված տախտակի մատակարարման վերաբերյալ ինչի կապակցությամբ գնահատող հանձնաժողովը արդեն իսկ ուներ հրապարակված պարզաբանում WWW.ARMEPS.AM համակարգով, համաձայն որի տախտակի մատակարարումը չի հանդիսանում նմանազան պայմանագիր:

Ամվտփելով վերոգրյալը, Պատվիրատուն արձանագրել է, որ մասնակցից Կարգի 47-րդ կետի համաձայն արդեն իսկ պահանջվել էր որակավորման փաստաթղթերի շտկում, ուստի գնահատող հանձնաժողովը, հիմք ընդունելով Կարգի 48-րդ կետի 2-րդ մասի պահանջները և հանձնաժողովի անդամների կողմից ներկայացված գնահատման թերթիկները, որոշեց «Կփեյչ գրուպ» ՍՊԸ-ի (համատեղ գործունեության պայմանագրով «Արխանգելսկիյ լես» ՍՊԸ-ի հետ) որակավորման հատկանիշները «Մասնագիտական փորձառություն» չափորոշիչի մասով գնահատել ոչ համապատասխան «ՀՀ ՊՆ ՆՏԱԳ-ԳՀԱՊԶԲ-4/4» ծածկագրով ընթացակարգի հրավերի պահանջներին և մերժել վերջինիս հայտը:

«Կփեյչ գրուպ» ՍՊԸ-ի (համատեղ գործունեության պայմանագրով «Արխանգելսկիյ լես» ՍՊԸ-ի հետ) սկզբի մայիսի 16-ին բողոք է ներկայացրել ՀՀ ՊՆ գնահատող հանձնաժողովի որոշման դեմ, վիճարկելով նմանատիպության խնդրո առարկա դարձած ընկերության մերժման հիմքերը:

Նշված բողոքի վերաբերյալ որոշում է կայացվել սկզբի հունիսի 14-ին, մասնավորապես ԳԲԲԱ-ՆԳ-2019/27 ծածկագրով որոշման համաձայն բողոքաբերի բողոքը բավարարվել է: Այսինքն սույն որոշմամբ մասնակցի հայտը մերժելու մասին հանձնաժողովի որոշումը դադարեցվել է այն հիմքով, որ կարելի է նաև այսպես արձանագրել, ***տախտակի մատակարարումը հանդիսանում է որպես նմանազան կատարված պայմանագիր:***

Ուրեմն այս դեպքում Ձեր ուշադրությունն են հրավիրում այն հանգամանքին, որ փաստացի ՀՀ ՊՆ վերը նշված ՌԱՖ-ՕԶԱԽ ՍՊԸ-ի կողմից գնահատող հանձնաժողովին ուղղված պարզաբանման արդյունքում բազմաթիվ մասնակիցներ չեն կարողացել մասնակցել այս մրցույթին, զրկվել են մասնակցության իրավունքից, փաստացի հավասար մրցակցային պայմաններ չի ստեղծվել բոլոր հնարավոր մասնակիցների համար, այս մոտեցումը եղել է խտրական և ոչ համարժեք: Կարելի է ենթադրել, որ այս ամենը եղել է հատուկ կազմակերպված այսպես ասած դաշտը մաքրելու համար, որպեսզի այլ հնարավոր

մասնակիցներ, որոնք կարող էին ավելի ցածր գին ներկայացնել չեն կարողացել մասնակցել միայն այն պատճառով, որ ՀՀ ՊՆ տվել է պարզանում որ տախտակների մատակարարված լինելը այս մրցույթի մասով չի կարող հանդիսանալ նմանատիպ:

ՀՀ պաշտպանության նախարարության կարիքների համար փայտե արկղերի ձեռքբերման նպատակով հայտարարվել է «ՀՀ ՊՆ ՆՏԱԴ-ԳՀԱՊՁԲ-4/4» ծածկագրով գնանշման հարցման ընթացակարգ: Մրցույթի հրավերի ՄԱՍ 1-ի 1.1 կետով սահմանվել է, որ գնման առարկա է հանդիսանում «պաշտպանության նախարարության կարիքների համար փայտե արկղերի ձեռքբերումը:

Ընթացակարգի հրավերի Մաս 1-ի 2-րդ կետի 2.5-րդ ենթակետով սահմանվել է, որ «Մասնագիտական փորձառություն» չափանիշը գնահատվում է հետևյալ կարգով՝

ա. մասնակիցը պետք է հայտը ներկայացնելու տարվա և դրան նախորդող երեք տարվա ընթացքում պատշաճ ձևով իրականացրած լինի նմանատիպ առնվազն մեկ պայմանագիր: Նախկինում կատարված պայմանագիրը (կամ պայմանագրերը) գնահատվում է (կամ գնահատվում են) նմանատիպ, եթե դրա (դրանց) շրջանակներում մատակարարված ապրանքների ծավալը (կամ հանրագումարային ծավալը)՝ գումարային արտահայտությամբ, պակաս չէ տվյալ սույն ընթացակարգի շրջանակում մասնակցի ներկայացրած գնային առաջարկի հիսուն տոկոսից: Ընդ որում առնվազն մեկ պայմանագրի շրջանակում մատակարարված ապրանքների ծավալը գումարային արտահայտությամբ պետք է պակաս չլինի սույն ընթացակարգի շրջանակում մասնակցի ներկայացրած գնային առաջարկի քսան տոկոսից:

Սույն ընթացակարգի իմաստով նմանատիպ են համարվում **փայտե արկղերի և/կամ փայտյա այլ արտադրանքների մատակարարման պայմանագրերը:**

բ. սույն ենթակետի ա) պարբերությամբ նախատեսված պահանջներին իր համապատասխանությունը հիմնավորելու համար մասնակիցը հայտով ներկայացնում է իր կողմից հաստատված հայտարարություն, պայմանով, որ առաջին տեղը զբաղեցրած մասնակից ճանաչվելու դեպքում սույն հրավերով սահմանված կարգով և ժամկետներում հանձնաժողովին կներկայացնի նախկինում կատարած պայմանագրի (պայմանագրերի) և դրա հաշիվ ապրանքագրերի պատճենները, իսկ այդ պայմանագրի (պայմանագրերի)

պատշաճ կատարումը գնահատելու համար՝ տվյալ պայմանագրի կողմերի հաստատած՝ պայմանագրի սահմանված ժամկետում կատարումը հավաստող ակտի (հանձնման- ընդունման արձանագրություն և այլն) պատճենը կամ տվյալ պայմանագրի կատարումն ընդունած կողմի գրավոր հավաստումը:

գ. մասնակցի որակավորումը այս չափանիշի գծով գնահատվում է բավարար, եթե վերջինս ապահովում է սույն ենթակետով նախատեսված պայմաններն ու պահանջները.:

Գնահատող հանձնաժողովը Օ արձանագրել է, որ սահմանված ժամկետում «Վիէյջ գրուպ» ՍՊԸ-ն (համատեղ գործունեության պայմանագրով «Արխանգելսկիյ լես» ՍՊԸ-ի հետ) ներկայացրել է որակավորման պահանջներին համապատասխանությունը հիմնավորող փաստաթղթերի շտկված տարբերակները, որոնց հետազոտման արդյունքում պարզ է դարձել, որ մասնակիցը **որպես նմանարիպ պայմանագիր ներկայացրել է փախտակի և գերանի (ծրց) մատակարարման պայմանագրեր**, ինչի հետ կապված սույն ընթացակարգի շրջանակներում նախքան հայտերի բացումը այլ մասնակցի կողմից ներկայացվել էր պարզաբանում կապված տախտակի մատակարարման վերաբերյալ ինչի կապակցությամբ գնահատող հանձնաժողովը արդեն իսկ ուներ հրապարակված պարզաբանում համակարգով, համաձայն **որի փախտակի մատակարարումը չի հանդիսանում նմանարիպ պայմանագիր:** Ամվտփելով վերոգրյալը, Պատվիրատուն արձանագրել է, որ մասնակցից Կարգի 47- ըր կետի համաձայն արդեն իսկ պահանջվել էր որակավորման փաստաթղթերի շտկում, ուստի գնահատող հանձնաժողովը, հիմք ընդունելով Կարգի 48-րդ կետի 2-րդ մասի պահանջները և հանձնաժողովի անդամների կողմից ներկայացված գնահատման թերթիկները, որոշեց «Վիէյջ գրուպ» ՍՊԸ-ի (համատեղ գործունեության պայմանագրով «Արխանգելսկիյ լես» ՍՊԸ-ի հետ) որակավորման հատկանիշները «Մասնագիտական փորձառություն» չափորոշիչի մասով գնահատել ոչ համապատասխան «ՀՀ, ՊՆ ՆՏԱԳ-ԳՀԱՊՁԲ-4/4» ծածկագրով ընթացակարգի հրավերի պահանջներին և մերժել վերջինիս հայտը:

Բողոքը քննող անձը իր ԳԲԲԱ-ՆԳ-2019/27 որոշմամբ գտել է, որ Կոնսորցիումն, որպես հայտով ներկայացված մասնագիտական փորձառության չափանիշը հիմնավորող փաստաթուղթ, Ընթացակարգի գնահատող հանձնաժողովին ներկայացրել է «Արխանգելսկիյ լես» ՍՊԸ-ի և «Օլիմպ Սիտի Ստրոյ» ՍՊԸ-ի միջև 03.04.2018թ. կնքված թիվ 010ԱՕ-18/03 ,

«Արխանգելսկի լես» ՍՊԸ-ի և «Սիրիոս» ՍՊԸ-ի միջև 01.08.2018թ. կնքված թիվ 012AC-18/07 պայմանագրերը, որոնց շրջանակներում Արխանգելսկի լես» ՍՊԸ-ի կողմից մատակարարվել են շրջահատած չորսուներ և եզրահատած տախտակներ (*обрезная доска, брус обрезной* **թարգմ.' համաձայն «ՌՌԻՍ - ՀԱՅ ՊՈԼԻՏԵԽՆԻԿԱԿԱՆ ԲԱՌԱՐԱՆ» ՀԱՅԿԱԿԱՆ ՍՈՎԵՏԱԿԱՆ ՀԱՆՐԱԳԻՏԱՐԱՆԻ ԳԼԽԱՎՈՐ ԽՄԲԱԳՐՈՒԹՅՈՒՆ, ԵՐԵՎԱՆ 1988թ.):**

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 65-րդ կետը սահմանում է, որ գործարքները համարվում են համանման (նմանատիպ), եթե դրանք դասվում են հրավերով կամ նախաորակավորման հայտարարությամբ նախատեսված՝ համանման համարվող տնտեսական գործունեության նույն խմբերում: Համանման համարվող տնտեսական գործունեության տեսակները և դրանց գնահատման կարգը սահմանվում են սպառիչ և առանց երկակի մեկնաբանության հնարավորության: **Հրավերով սահմանված՝**

համանման համարվող տնտեսական գործունեության տեսակները տարաբնույթ (երկակի) մեկնաբանելու հնարավորության դեպքում առկա տարբերությունը մեկնաբանվում է հօգուտ մասնակցի:

Ընթացակարգի հրավերով սահմանվել է, որ Ընթացակարգի իմաստով նմանատիպ են համարվում փայտե արկղերի և/կամ **փայտյա այլ արտադրանքների մատակարարման պայմանագրերը:**

Այսպիսով, ամփոփելով վերը նշված փաստերը և համադրելով դրանք գործում առկա փաստաթղթերի հետ Բողք քննող անձը գտել է, որ Կոնսորցիումի կողմից ներկայացված մատակարարման պայմանագրերով նախատեսված ապրանքատեսակները (շրջահատած չորսու և եզրահատած տախտակ) ըստ էության հանդիսանում են փայտյա այլ արտադրանք, ուստի սույն Ընթացակարգի իմաստով համարվում են նմանատիպ: Հետևաբար արձանագրում եմ, որ Ընթացակարգի գնահատող հանձնաժողովը սույն մասով անբավարար գնահատելով Կոնսորցիումի հայտը գործել է Օրենքի 34-րդ հոդվածի 1-ին մասով, Կարգի 61-րդ կետով, Կարգի 65-րդ կետով, ինչպես նաև Ընթացակարգի հրավերի 2.5 կետով սահմանված պահանջների խախտմամբ, ուստի գտնում եմ, որ Ընկերության կողմից ներկայացված բողոքը հիմնավոր է և ենթակա է բավարարման:

Ամփոփելով վերոգրյալը ցանկանում ենք Բողոք քննող անձի ուշադրությանը հրավիրել այն հանգամանքին, որ այդ դեպքում երբ նշված որոշմամբ բողոքը բավարարվել է, այսինքն ՀՀ ՊՆ պարզաբանումը ստեղծել է արհեստական խոչընդոտներ մնացաց հնարավոր մասնակիցների համար, խախտվել է Գնումների մասին ՀՀ օրենքի 3-րդ և 7-րդ հոդվածներով սահմանված իրական նորմերը, քանի որ ինչպես արդեն նշել եմ, բավականին շատ կազմակերպություններ ունենալով տախտակի նմանատիպ պայմանագիր կարող էին շատ ավելի մատչելի գնով մասնակցեին այս ընթացակարգին և ճանաչվեին հաղթող մասնակիցներ:

Վերոգրյալով պայմանավորված, Բողոք քննող անձին խնդրում ենք հաշվի առնել Պատվիրատուի կողմից Օրենքի 3-րդ և 7-րդ հոդվածների խախտումները, և ղեկավարվելով նույն Օրենքի 50-րդ հոդվածով սահմանված պահանջներով խնդրում ենք կայացնել բողոքը բավարարելու մասին որոշում՝ ՉԵՂՅԱԼ ՀԱՅՏԱՐԱՐԵԼ ՀՀ պաշտպանության նախարարության կարիքների համար փայտե արկղերի ձեռքբերման նպատակով հայտարարված «ՀՀ ՊՆ ՆՏԱԴ-ԳՀԱՊՁԲ-4/4» ծածկագրով գնանշման հարցման ընթացակարգը:

Կից ներկայացնում եմ բողոքի համար կատարված վճարման հիմքը հանդիսացող վճարման անդորրագրի պատճենը:

Հարգանքով

„Է.Ռ.Ա. ՕԻԼ., ՍՊԸ -ի տնօրեն


Է.Արահայան